

- SENAT -

Broj: 01-17-1/22

Sarajevo, 10. 11. 2022. godine

Z A P I S N I K**SA 32. VANREDNE SJEDNICE SENATA****UNIVERZITETA U SARAJEVU ODRŽANE 10. 11. 2022. GODINE**

Prisutn/e članovi/ice Senata: prof. dr. Rifat Škrijelj, rektor Univerziteta u Sarajevu, prof. mr. Faruk Lončarević, prof. dr. Erdin Salihović, prof. dr. Jasmina Selimović, prof. dr. Jasmin Velagić, prof. dr. Ahmet Alibašić, prof. dr. Jasmin Ahić, prof. dr. Sead Turčalo, prof. dr. Haris Alić, prof. dr. Amel Kosovac, prof. dr. Arzija Pašalić, prof. dr. Fahir Bečić, prof. dr. Jadranka Kolenović-Đapo (po ovlaštenju), prof. dr. Samir Dolarević, prof. dr. Darko Tomašević, prof. dr. Amina Valjevac, prof. mr. Ališer Sijarić, prof. dr. Nedžad Prazina (po ovlaštenju), prof. dr. Muhamed Brka, prof. dr. Zinka Grbo, prof. dr. Nusret Drešković, prof. dr. Muhamed Ajanović, prof. dr. Ahmet Lojo, prof. dr. Muhamed Smajlović, prof. dr. Naris Pojskić, dr. sc. Aladin Husić, prof. dr. Rasim Muratović, dr. sc. Sedad Bešlija, dr. sc. Jasmin Hodžić, prof. dr. Enra Mehmedika-Suljić (po ovlaštenju), dr. sc. Biljana Zarić (po ovlaštenju), prof. dr. Emir Tahirović, te predstavnici/e Udruženja Studentski parlament Univerziteta u Sarajevu: Faruk Dević, predsjednik, Inela Subašić, Emin Zaimović, Jasmin Fazlić, Rijad Kaniža, Imran Pašalić (po ovlaštenju) i Hamza Jelić (po ovlaštenju).

Ostali/e prisutni/e: prof. dr. Dženana Husremović, prorektorica za nastavu i studentska pitanja, prof. dr. Tarik Zaimović, prorektor za finansije, prof. dr. Dušanka Bošković, prorektorica za kvalitet, prof. dr. Tamara Karača-Beljak, prorektorica za umjetnost, kulturu i sport, prof. dr. Mirza Dautbašić, prorektor za kvalitet, Merjema Srna, studentica-prorektorica, te Kenan Filipović, generalni sekretar i Berina Smajlović-Doljančić, šefica Službe za pravne poslove.

Odsutne članice Senata: prof. dr. Dubravka Pozderac-Lejlić, dekanica Univerziteta u Sarajevu – Akademije likovnih umjetnosti i prof. dr. Izet Bijelonja, dekan Univerziteta u Sarajevu – Mašinskog fakulteta.

Sjednica je počela u 13:00 sati.

Utvrđeno je da od ukupno 41 člana/ica Senata sjednici prisustvuje 39 članova/ica Senata, od toga šest (6) članova/ica sa ovlaštenjem koje se nalazi u dokumentaciji Senata.

Sjednicom je predsjedavao prof. dr. Rifat Škrijelj, rektor Univerziteta u Sarajevu.

Shodno velikom interesovanju predstavnika medija za održavanje današnje vanredne sjednice Senata, prof. dr. Rifat Škrijelj predložio je članovima i članicama Senata da prije početka sjednice predstavnici medija uđu u Svečanu salu i naprave kratke snimke.

Uz devet (9) glasova „Protiv“ prihvaćeno je da prije početka sjednice predstavnici medija uđu u Svečanu salu i naprave kratke snimke.

Nakon što su predstavnici medija napustili Svečanu salu, prof. dr. Rifat Škrijelj pozvao je članove i članice Senata da se izjasne o predloženom Dnevnom redu.

Jednoglasno je usvojen slijedeći

D N E V N I R E D:

1. Usaglašavanje sastava i rada Senata Univerziteta u Sarajevu sa Zakonom o visokom obrazovanju („Službene novine Kantona Sarajevo“ broj: 36/22)
2. Sticanje i revizija stečenih diploma na Univerzitetu u Sarajevu

T O K S J E D N I C E:

Ad-1.

Usaglašavanje sastava i rada Senata Univerziteta u Sarajevu sa Zakonom o visokom obrazovanju („Službene novine Kantona Sarajevo“ broj: 36/22):

Nakon uvodnog obraćanja prof. dr. Rifata Škrijelja i kratkog rezimea pisane Informacije koja je kao materijal ove sjednice dostavljena članovima i članicama Senata, konstatovano je da će se način izbora, sastav i broj članova Senata, kao i druga pitanja od značaja za rad Senata preciznije urediti Statutom Univerziteta koji je u postupku izrade.

U vezi sa ostvarivanjem prava glasa prorektora i prorektorica Univerziteta u Sarajevu u Senatu shodno odredbama novog Zakona o visokom obrazovanju, nakon kraće diskusije u kojoj su učestvovali: prof. dr. Enra Mehmedika-Suljić, prof. dr. Jasmin Velagić, prof. dr. Rifat Škrijelj, uz 10 „Suzdržanih“ glasova donesen je slijedeći

Z A K L J U Č A K

1. Prima se k znanju Informacija Generalnog sekretara i Službe za pravne poslove Univerziteta u Sarajevu, broj: 0105-11868-1/22 od 07. 11. 2022. godine.
2. Senat Univerziteta u Sarajevu konstatira da u skladu sa odredbama Zakona o visokom obrazovanju („Službene novine Kantona Sarajevo“ broj: 36/22) ne postoje pravne prepreke da se prorektorima, prorektorica i studentici-prorektorici Univerziteta u Sarajevu omogući punopravno odlučivanje, odnosno pravo glasa u Senatu Univerziteta u Sarajevu.
3. Način izbora, sastav i broj članova Senata, kao i druga pitanja od značaja za rad Senata Univerziteta u Sarajevu preciznije će se urediti Statutom Univerziteta u Sarajevu.

O b r a z l o ž e n j e

Odredbom člana 162. Zakona o visokom obrazovanju („Službene novine Kantona Sarajevo“, broj 36/22) utvrđuje se sastav Univerziteta u kojem zakonodavac pored dosadašnjih organizacionih jedinica (30 fakulteta i akademija, teoloških fakulteta i naučnoistraživačkih instituta) u svom sastavu utvrđuje i Rektorat sa svojstvom članice Univerziteta. U tom smislu, stavom (2) ovog člana propisuje se da su sve članice Univerziteta *ravnopravne i zastupljene u Senatu*. S tim u vezi, kako u Statutu Univerziteta, koji je na snazi, nije uređeno pitanje prava

glasa prorektora/ica Univerziteta, ne postoje prepreke da u radu Senata ravnopravno učestvuju prorektori/ice Univerziteta.

Uvažavajući činjenicu da je primjena člana 177. Zakona vezana za konstituisanje organa visokoškolske ustanove i da se ne odnosi na Senat, kao i da će se način izbora, sastav i broj članova Senata i druga pitanja od značaja za rad Senata preciznije urediti Statutom Univerziteta koji je u izradi, Senat Univerziteta u Sarajevu je donio Odluku kao u dispozitivu.

Ad-2.

Sticanje i revizija stečenih diploma na Univerzitetu u Sarajevu:

Prof. dr. Enra Mehmedika-Suljić predložila je da se materijal pod ovom tačkom Dnevnog reda dopuni dokumentacijom „Informacija o izvršenom inspekcijskom nadzoru i utvrđenom činjeničnom stanju na Medicinskom fakultetu u Sarajevu od 23. 09. 2021. godine“ sa pripadajućim prilogima. Prof. Mehmedika-Suljić je istakla da je na sadržaj dopunjene dokumentacije saglasnost dala i prof. dr. Sebija Izetbegović. Prof. dr. Rifat Škrijelj je shodno odredbi Poslovnika o radu Senata dao saglasnost na dopunu materijala, kao i da se isti podijeli članovima i članicama Senata, uz izuzimanje od odgovornosti za eventualnu zloupotrebu podataka sadržanih u dostavljenim materijalima, a koji su u ovom predmetu dostavljeni i Kantonalnom tužilaštvu KS od strane Inspektorata KS.

Prof. dr. Rifat Škrijelj je rezimirao pisanu Informaciju dostavljenu kao dio materijala za današnju sjednicu i istakao da je u periodu između oktobra 2016. do kraja septembra 2022. godine, izvršeno ukupno 22472 provjere vjerodostojnosti diploma na zahtjev Ureda za borbu protiv korupcije i osiguranje kvaliteta Kantona Sarajevo, Kantonalnog tužilaštva Kantona Sarajevo, poslodavaca i drugih organa koji su za provjeru vjerodostojnosti stečenih diploma imali osnovan interes, te istakao slijedeće:

- Na Univerzitetu u Sarajevu do danas nije utvrđen ni jedan slučaj u kojem je određena diploma Univerziteta izdata odnosno stečena suprotno propisima iz oblasti visokog obrazovanja.
- Na Univerzitetu u Sarajevu je do danas na 13 fakulteta utvrđeno ukupno 35 krivotvorenih (falsifikovanih) diploma.

U ovim predmetima, Univerzitet i fakulteti Univerziteta su odmah po saznanju, s ciljem poduzimanja odgovarajućih radnji od strane podnosioca zahtjeva (kao što su Kantonalna uprava za inspekcijske poslove Kantona Sarajevo, Ured za borbu protiv korupcije i osiguranje kvaliteta Kantona Sarajevo, Kantonalnog tužilaštva Kantona Sarajevo, poslodavci ili drugi organi koji su za provjeru vjerodostojnosti diploma imali osnovan interes) i zaštite integriteta Univerziteta u cjelini, postupali blagovremeno i efikasno obavještavajući podnosioca zahtjeva u svakom konkretnom predmetu.

Zaključno, do krivotvorenja javnih isprava u ovim predmetima nije došlo na Univerzitetu ili posredstvom službenih i odgovornih lica Univerziteta, već su takve radnje, s ciljem da se lažne javne isprave (diplome) upotrijebe kao prave, poduzete izvan Univerziteta.

- U postupcima priznavanja inostranih diploma na Univerzitetu su periodu od 2016. do danas provjerom posredstvom Centra za informiranje i priznavanje dokumenata iz oblasti visokog obrazovanja Bosne i Hercegovine i Kantonalnog tužilaštva Kantona Sarajevo utvrđene su dvije (2) krivotvorene inostrane diplome,

te da se od ovih radnji Univerzitet izuzima u cijelosti, budući da je vršenje istih vezano za postupanje fizičkih lica izvan Univerziteta.

U odnosu na predloženu tačku Dnevnog reda *Sticanje i revizija diploma stečenih na Univerzitetu*, pri tome vezujući se za naglašenu ulogu akademskog osoblja Univerziteta u široj

društvenoj zajednici i ulogu nosilaca javnih funkcija na svim razinama, izabranih predstavnika u zakonodavnoj vlasti, nosilaca funkcija u izvršnoj vlasti i drugih, koji su diplome stekli na Univerzitetu, prof. dr. Rifat Škrijelj je istakao da je neophodno evidentirati moguće rizike narušavanja integriteta Univerziteta i imaoca diploma stečenih na Univerzitetu, a koji obnašaju neku od navedenih funkcija i to: diplome članice akademske zajednice Univerziteta i nositeljice javne funkcije prof. dr. Sebiye Izetbegović, odnosno načina sticanja diplome na postdiplomskom studiju Medicinskog fakulteta Univerziteta u Sarajevu i diploma nosioca javne funkcije, zastupnika u Skupštini Kantona Sarajevo gospodina Elmedina Konakovića, odnosno način sticanja diploma, i to diplome dvogodišnjeg studija (viša stručna sprema), diplome trogodišnjeg prvog ciklusa studija po bolonjskom načinu studiranja, koji se vrednuje sa 180 ECTS studijskih bodova i diplome dvogodišnjeg drugog ciklusa studija po bolonjskom načinu studiranja, koji se vrednuje sa 120 ECTS studijskih bodova.

Zatim je prof. dr. Rifat Škrijelj otvorio diskusiju u kojoj su učešće uzeli: prof. dr. Arzija Pašalić, prof. dr. Enra Mehmedika-Suljić, prof. dr. Amina Valjevac, prof. dr. Jasmin Velagić, prof. dr. Muhamed Ajanović, prof. dr. Sead Turčalo, prof. dr. Haris Alić, prof. dr. Rifat Škrijelj, prof. dr. Samir Dolarević.

U vezi sa predmetom provjere diploma gospodina Elmedina Konakovića na Univerzitetu u Sarajevu - Fakultetu sporta i tjelesnog odgoja konstatovano je da izvršenim usmjerenim inspekcijskim nadzorima od strane Kantonalne uprava za inspekcijske poslove Kantona Sarajevu obavljeno 11 usmjerenih inspekcijskih nadzora, te da s tim u vezi nadležna inspekcija nije izrekla mjeru, kao i da je Vijeće Univerziteta u Sarajevu - Fakultetu sporta i tjelesnog odgoja donijelo zvaničan stav i saopćenje za javnost o istom u septembru 2022. godine.

U vezi sa predmetom provjere diplome prof. dr. Sebiye Izetbegović, odnosno načina sticanja iste, cijeneći svojstvo Univerziteta u pravnom prometu, a s ciljem zaštite integriteta Univerziteta i imaoca diploma Univerziteta koji obnašaju javne funkcije i koji imaju izbor u naučnonastavna zvanja na Univerzitetu u Sarajevu, na prijedlog prof. dr. Rifata Škrijelja, uz 34 glasa „Za“, sedam (7) glasova „Protiv“ i pet (5) „Suzdržanih“ glasova, donesen je slijedeći

ZAKLJUČAK

1. Obavezuje se članica Medicinski fakultet Univerziteta u Sarajevu da u postupku provjere vjerodostojnosti isprava vezanih za postdiplomski studij na Medicinskom fakultetu, dr. Sebiye Izetbegović, redovne profesorice Medicinskog fakulteta Univerziteta u Sarajevu i nositeljice javne funkcije, putem *ad hoc* komisije izvrši dodatne provjere i Senatu Univerziteta u Sarajevu, dostavi pisani izvještaj sa cjelokupnim spisom (dokumentacijom), te u postupku dodatnih provjera zatraži pisano izjašnjenje dr. Sebiye Izetbegović, redovne profesorice kao i pisana izjašnjenja drugih službenih lica posredstvom kojih su vođeni ovi postupci na Medicinskom fakultetu Univerziteta u Sarajevu.
2. Dokumentacija iz tačke 1. ovog zaključka treba da sadrži odgovarajuću javnu ispravu imenovane o započetim godinama ili semestrima na postdiplomskom studiju Medicinskog fakulteta Sveučilišta u Zagrebu u svrhu daljeg školovanja na postdiplomskom studiju Medicinskog fakulteta Univerziteta u Sarajevu (uvjerenje o položenim ispitima), isprave vezane za postupak ekvivalencije položenih ispita na postdiplomskom studiju Medicinskog fakulteta Sveučilišta u Zagrebu, uvjerenje o položenim ispitima na postdiplomskom studiju Medicinskog fakulteta Univerziteta u Sarajevu, Pravilnik o postdiplomskom studiju

Medicinskog fakulteta u Sarajevu, koji je bio na snazi prilikom upisa imenovane na postdiplomski studij, kao i druge relevantne isprave.

3. Rok za realizaciju ovog zaključka iznosi 30 dana.

Sjednica je završena u 15:30 sata.

R E K T O R

Prof. dr. Rifat Škrijelj, s.r.

Zapisničarka:

Alma Voloder-Madacki, dipl.iur. s. r.

Po Zaključku Senata Univerziteta u Sarajevu broj: 01-19-169/22 od 30. 11. 2022. godine dostavljena je autorizirana diskusija broj: 01-3-8360/22 od 14. 12. 2022. godine i čini sastavni dio ovog Zapisnika. Zapisnik je uz autoriziranu diskusiju verificiran na sjednici Senata održanoj 25. 01. 2023. godine.

**- SENAT -**


Broj: 01-19-169/22

Sarajevo, 30. 11. 2022. godine

Na osnovu člana 61. Zakona o visokom obrazovanju („Službene novine Kantona Sarajevo“ broj:63/22) i člana 59. Statuta Univerziteta u Sarajevu, Senat Univerziteta u Sarajevu je na 52. redovnoj sjednici održanoj 30. 11. 2022. godine, uvažavajući stavove iznesene u diskusiji, na prijedlog prof. dr. Rifata Škrijelja, rektora, donio slijedeći

ZAKLJUČAK


Zapisnik sa 32. vanredne sjednice Senata Univerziteta u Sarajevu od 10. 11. 2022. godine, povlači se iz Dnevnog reda i bit će predmetom razmatranja nakon što prof. dr. Enra Suljić-Mehmedika i prof. dr. Amina Valjevac dostave autorizirane diskusije na predmetni Zapisnik.

REKTOR
Prof. dr. Rifat Škrijelj**Dostavljeno:**

- Prof. dr. Amina Valjevac, dekanica Medicinskog fakulteta
- Prof. dr. Enra Suljić-Mehmedika, KCUS UNSA
- ☞ U dokumentaciju Senata
- Arhivi

Broj:01-3-8360/22
Datum:14.12.2022.godine

**UNIVERZITET U SARAJEVU
SENAT UNIVERZITETA U SARAJEVU
N/R REKTORA,
PROF. DR RIFAT ŠKRIJELJ**



PREDMET: AUTORIZIRANA DISKUSIJA – DOSTAVLJA SE

Poštovani,

Na osnovu Zaključka Senata Univerziteta u Sarajevu broj:01-19-169/22 od 30.11.2022. godine, kojim se od prof. dr Enre Mehmedike - Suljić i prof. dr Amine Valjevac zahtjeva dostava autorizirane diskusije na Zapisnik sa 32. vanredne sjednice Senata Univerziteta u Sarajevu od 10.11.2022. godine, u nastavku teksta dostavljamo predmetni dodatak Zapisniku kako slijedi:

Rektor prof. Rifat Škrijelj je prije sjednice Senata naveo da je dobio dopunu materijala od Prof dr Amine Valjevac, te da je uvidom u istu konstatirao da ne vidi ništa sporno da se navedeni materijal podijeli članovima Senata. Također je navedo da je neposredno pred sjednicu Senata dobio dopunu materijala od strane prof dr Enre Mehmedika-Suljić, koju je samo ovlaš stigao pogledati, te da se ograđuje od eventualne zloupotrebe dostavljenog materijala ukoliko isti bude neovlašteno prosljeđen medijima obzirom da sadrži lične podatke. Prof dr Enra Mehmedika-Suljić je naglasila da je prof. dr Sebija Izetbegović saglasna da se dostavljeni materijal, koji sadrži dokumentaciju vezanu za akademsko napredovanje prof. dr Sebije Izetbegović, podijeli članovima Senata, uz napomenu da je ista za internu upotrebu i da ne vjeruje da će istu članovi Senata prosljeđivati medijima ili drugim osobama.

Prof dr Enra Mehmedika-Suljić je prije podjele pripremljenog materijala članovima Senata, a koji se odnosio na dokumentaciju vezanu za akademsko napredovanje prof. dr Sebija Izetbegović tražila od Pravne službe Univerziteta da se očituje o tome da li postoje zakonske prepreke da se navedeni materijal podijeli članovima Senata.

Prije usvajanja Dnevnog reda tematske sjednice prof .dr Enra Mehmedika-Suljić je tražila da se očituje pravna služba i Generalni sekretar Univerziteta, a eventualno i Dekanica Pravnog fakulteta o tome da li senat može raspravljati i odlučivati po tački 2. dnevnog reda, obzirom da imamo saznanja da se na navedene okolnosti (sticanje zvanja magistra nauka prof .dr Sebija Izetbegović) vrše istražne radnje u Tužilaštvu Kantona Sarajevo.

Rektor je nakon uvodnih riječi otvorio diskusiju

Za riječ se prvo javila Prof dr Enra Mehmedika-Suljić koja je prezentirala zaključak Prosvjetne inspekcije, čija kopija se nalazi u kopijama za sve članove Senata, kao i druge relevantne dokumentacije se tiču sticanja zvanja magistra medicinskih nauka, doktora medicinskih nauka, akademskog napredovanja, kao i relevantnih činjenica za izbor u zvanje asistenta prof. dr Sebija Izetbegović.

Prof. dr Amina Valjevac je u svom obraćanju članovima Senata istakla da smatra da je bilo

potrebno da Senat razmatra slučaj prof dr Sebija Izetbegović, imajući u vidu brojne medijske napise koji su već u junu 2021. godine osporavali učešće prof. dr Asim Kurjaka u mentorstvu doktorske disertacije prof. dr Sebija Izetbegović, da bi se ispostavilo da prof. dr Kurjak jeste bio mentor i član Komisije. Prof.dr Amina Valjevac je tada lično, na zahtjev tadašnjeg dekana, a tada u svojstvu Prodekana za međunarodnu saradnju, zajedno sa Šefom Studentske službe i pravnikom u HR službi Medicinskog fakulteta ostvarila uvid u personalni dosje Prof .dr Sebija Izetbegović, te konstatirala da u dokumentaciji postoji zapisnik o toku odbrane doktorske disertacije u kojem stoji potpis Prof. dr Kurjaka i rukom upisano pitanje sa odbrane disertacije. Prof Valjevac je istakla da je personalni dosje prof. dr Izetbegović neuredno vođen, da su se u dosjeu nalazili listovi papira u rukopisu koji inače nisu satavni dijelovi dosjea, te da su se u dosjeu nalazili dokumenti koji pripadaju trećim licima.

Prof. dr Valjevac je istakla da je svjedok neuredno vođene arhivske građe sa posebnim osvrtom na vođenje matičnih knjiga postdiplomskog studija, te da je vezano za navedeno još 2009. g odine izvršen inspekcijski nadzor kojim je jasno konstatovana neurednost vođenja matičnih knjiga postdiplomskog studija, kom prilikom je Medicinski fakultet i novčano kažnjen.

Prof. dr Amina Valjevac je istakla da stoji na raspolaganju članovima Senata za sva eventualna pitanja.

Na početku diskusije, nakon što je Rektor odobrio obraćanje senatorima, prof. dr Enra Mehmedika Suljić je istakla da nisu u razmjeni pripremljeni dokumenti po istoj metodologiji za prof. dr Izetbegović i gosp. Elmedin Konaković, odnosno da nije dostavljeno mišljene inspektorata za gosp. Konaković. Istakla je da je svaki izbor u zvanje zahtijevao provjere i na Medicinskom fakultetu i na Univerzitetu. Obzirom na zabilješke uposlenika Medicinskog fakulteta, evidentno je da je personalni dosije izuziman u više navrata od strane ranijih dekana, ali i drugih lica i da su u dokumentaciji nedostajali svi Izvještaji o akademskom napredovanju, koji su u kopiji dostavljeni Medicinskom fakultetu ljubaznošću Rektora prof. Škriela.

Također je istakla da niti jedan dekan nije upoznao prof.dr Izetbegović o bilo kakvom nedostatku u personalnom ili studentskom dosijeu, niti su tražili bilo kakva dokumenta dodatno, iako je birana u zvanje Šefa katedre od strane obje dekanice koje su izuzimale personalni dosije.

Prof. dr Enra Mehmedika-Suljić je napomenula da je čuvanje dosijea i svih relevantnih dokumenata vezanih za studij i akademsko napredovanje u nadležnosti fakulteta i Univerziteta, te da niko od uposlenika ovih institucija nije odgovoran za čuvanje istih. Postavila je upit zašto akademska zajednica nije pozvala prof.dr Nedžad Mulabegović, koji je u to vrijeme obnašao funkcije Dekana, Rektora Univerziteta i bio član Komisije za odbranu, da se očituje na činjenično stanje iz tog perioda vezano za Magisterij prof. dr Sebija Izetbegović.

Prof dr Amina Valjevac



Prof dr Enra Mehmedika-Suljić



Dostavljeno:

- ✓ Naslovu
- ✓ a/a